



Sulisitsisut
Grønlands Erhverv
Greenland Business Association

Jens Kreutzmannip Aqq. 3 | Postboks 73 | 3900 Nuuk | www.ga.gl
Tlf. +299 32 15 00 | Fax nr. +299 32 43 40 | ga@ga.gl | GER: 25027248

Nuuk, ulloq 12. juli 2021

Allakkat nr. D21-6115

Suliap nr. S21-555

Ineqarnermut, Attaveqatigiinnermut, Aatsitassanut Naligiissitaanermullu
Naalakkersuisoqarfik
Postboks 1039
GLN 5790001954123
3900 Nuuk

Uranimik misissueqqaarnek, ujaasineq paaanerlu pillugit inatsimmut GE-p oqaaseqaatai

Uranimik misissueqqaarnek, ujaasineq paaanerlu pillugit inatsisissatut siunnersuummik Kalaallit Nunaanni Sulisitsisut Peqatigiiffiat (Grønlands Erhverv (GE)) tigusaqarpoq, makkuninngalu oqaaseqaatissaqarluni.

Aatsitassarsiornermik suliaqarnerit isumannaallisaanermut, peqqissutsimut, avatangiisinut aamma isumalluutininik iluaquteqarnermut, kiisalu inuiaqatigiinnut tunngasutut piujuartitsinermit tunngatillugit tulluurtumik isumannaatsumillu pisarnissaannik annertuumik sammisarisartaqartariaqartoq GE isumaqarpoq.

Inatsisissatut siunnersuuterpiamut oqaaseqaatit:

- * Inatsisissatut siunnersuut manna pinngitsaaliissummik taarsiissutitalimmik pigisanik piginnikkunnaarsitsinermit inatsisaasutut isikkoqarpoq, suliffeqarfiit misissueqqaarnermik ujaasinermillu pisinnaatitsissutinik pissarsillutillu naammassisaqarsimasut aatsitassanut ikummatissanullu inatsimmi § 29, imm. 2 najoqqutaralugu pisinnaatitsissutinik peqarmata. Inatsisissatut siunnersuutikkut matumuuna pisinnaatitaaffinnik pissarsiarisimasaminnik taakkuninnga arsaarneqassapput.

- * Nalinginnaasumik oqaaseqaatini inatsisissatut siunnersuut siunissami aatsitassarsiornermik suliniutit piviusunngortinnissaannut pingaaruteqarsinnaanerani allassimasoq eqqortuuvoq. Inatsisissatut siunnersuut nunami maani aningaasaleerusussutsimut kinguneqarsinnaanera GE-p qularutiginnilaa, aningaasaliisartummi toqqammavissatut piumasaaqatini erseqqissunik peqartoqassasoq piumasaraat. Aningaasaliissutaannut toqqammavissatut piumasaaqaataasut pillugit inatsisissatut siunnersuut manna nalornissutissanik pilersitsivoq. Inatsisissatut siunnersuut pisortanut killup tungaanut aningaasaqarnermi kinguneqartitsissaaq.

- * Aatsitassarsiorfittut immikkoortup pilersinnissaa pillugu siunertarisanut inatsisissatut siunnersuut killup tungaanut kinguneqassasoq GE-p nalilerpaa, taamaalillunilu tamanna aamma inuussutissarsiorfiusumut aningaasaqarnikkut kinguneqassaaq.
- * Inatsisissatut siunnersuut innuttaasunut allaffissornikkut kinguneqassanngilaq, nunamili suliffiit amerlassusaannut kinguneqartitsissaaq, tamanna aatsitassarsiorfikkut suliniutit taama amerlatigisut aallartinneqannginnerisa pissusissamisoorutut kingunerissammagu. Tamanna aamma misissueqqaarnernut, ujaasinernut piiiaanernullu atuutissaaq.

Uranimik killilersuisutut inatsisissatut siunnersuut naalakkersuinikkut tunngavigisamik tunngaveqartariaqarpoq, GE-p paasisai malillugit pinngoqqaatinut arlalinnut allanut naleqqiullugu artukkiinnginnerummat.

Assersuutigalugu uranimut naleqqiullugu avatangiisinut tunngatillugu ilaatigut aqerlup aamma fluorip suliarinerisa annertunipilussuarmik ajornakusoornerneru GE-mut ilisimatitsissutaasimavoq.

Tamatuminnga tunngaveqarluni pinngoqqaatinut aalajangersimasunut naleqqiullugu inatsisissatut siunnersuut piumasaqaatinik aalajangersaassannginnera, paarlattanilli isumannaallisaaneq, peqqissuseq, avatangiisit isumalluutinillu iluaquteqarneq, kiisalu inuiaqatigiinnut tunngasutut piujuartitsineq anenrtunerusumik sammisarissagaa Kalaallit Nunaanni Sulisitsisut Peqatigiiffiata inassutigissavai.

Pinngoqqaatinut aalajangersimasunut inerteqqusiinermut taarsiullugu aatsitassanik piiaanermi aarleqqutit pingaartinnissaat, aammalu iluaqutissanut tunngaveqarfii pillugit malittarisassiat eqqunneqarnissaat isumaliutigisariaqarput, ilanngullugit Nunarsuarmi anguniakkat sianiginissaat pisariaqannginnerat, ingammillu nunat killiit assut sammisarisaannik minguitsunngortitsinniarnaq isumaliutaasariaqarput.

Nunarsuup sinneranik aatsitassanik piianeq pillugu Kalaallit Nunaat unammillertuuvog – ingammillu aatsitassanik qaqutigoortunik, tassaalersinnaavorlu nunarsuarmut tunngasutigit naalakkersuinerni pingaarutilittut akuulersinnaasoq. Inatsisissatut siunnersuutikkut nassiunneqartukkut periarfissaaq taanna killilerneqarpoq.

§§ 2-p aamma 3-p Kalaallit Nunaannit aningaasaliisartut amerlanerpaat qimaatissavaat, aningaasaliissutiminnunni taama toqqammavissanik nalorninartigisoqarmat nunami maani arlaannaalluunniit aningaasaleerusussanngilaq. Koruunit 100 mio.-t arlallit atorsinnaassavaat, ullormiillu ullormut akuersissummik pigisaminnik arsaarneqarsinnaallutik.

Inatsisissatut siunnersuut inuussutissarsiorfinni attassisutut sukatut ittumik aatsitassarsiornermik immikkoortoqarfimmik peqartitsilissanngitsoq GE-p nalilersuutigaa.

Ataatsimut isigalugu inatsisissatut siunnersuutip siuarsarneqartariaqannginnera GE-p nalilersuutigaa, aamma isumannaallisaanermut, peqqissutsimut, avatangiisinut isumalluutinillu iluaquteqarnermut, kiisalu inuiaqatigiinnut tunngasutut piujuartitsinermut naleqqiullugit tulluurtumik, kiisalu isumannaatsumik

aatsitassarsiornermik suliarisat pinerannut naleqqiullugit suut inatsisilersorneqarsinnaaneri, imaluunniit inatsisilersorneqartariaqarneri pillugit Naalackersuisunut inassutialunnik saqqummiussaqaarsinnaasunik isummersuisunik pilersitsisoqartariaqarpoq, imaluunniit Aatsitassarsiornermut Ataatsimiititaliaq geologiip avatangiisillu iluanni nunat tamalaanit immikkut ilisimasalinnik inuttaqartoq pilersittariaqarluni.

Naggasiutigalugu Kuannersuarni suliniummik naalackersuinikkut tusarniaaneq sioqqullugu taamatut ittumik inatsisissatut siunnersuummik saqqummiussisoqarnera GE-p ajornakusoortutut isigaa. Inatsisissatut siunnersuutip suliniummik tassannga tusarniaaneq tamaassoriinnaganngortissavaa.

Kalaallit Nunaanni Sulisitsisut Peqatigiiffiat ilassutissanik allanik oqaaseqaatissaqanngilaq.

Karsten Lyberth Klausen I Kalaallit Nunaanni Sulisitsisut Peqatigiiffiat